

Dieđut Kanta-bálvalusaid birra olbmuide, geat dikšot áššiid sosiála- ja dearvvašvuodafuolahusas

Sosiála- ja dearvvašvuodafuolahusa ámmátolbmot sáhttet fállat dutnje buoremus vejolaš bálvalusa, go sis leat geavahusas áigeguovdilis dieđut, maiddái dan birra, makkár bálvalusaid leat ožžon ovdal. Danin du reseapta-, pasieanta- ja áššehasdieđut vurkejuvvojit Kanta-bálvalusaide.

Kanta-bálvalusaid bokte du dieđut gieđahallojuvvojit dorvvolaččat

Kanta-bálvalusat leat riikaviidosas diehtovuogádatbálvalusaid ollisvuohta. Go divššut áššiid sosiála- ja dearvvašvuodafuolahusas dahje apteaikkas, du áššehas- ja pasieantadieđut vurkejuvvojit bálvalanaddi diehtovuogádahkii. Doppe dat sirdašuvvet Kanta-bálvalusaide.

Kanta-bálvalusaid bokte du dieđuid sáhttá gaskkustit diehtosihkkarvuodain ámmátolbmuid geavahussii, geat dikšot du áššiid. Sáhtát ieš geahčadit dieđuidat MuKantas.

Ná diehtu johtá Kantas

- Áššehas- ja pasieantadieđut leat Kantas.
- Sosiála- ja dearvvašvuodafuolahusa ámmátolmmoš girje ja geahččá dieđuid iežas diehtovuogádagas.
- Vuogádagas, man ámmátolmmoš geavaha, dieđut sirdašuvvet vuorkái Kantai.
- MuKantas riikavuloš sáhttá geahčadit ja hálddašit iežas dieđuid.

Du dieđuid geavaheapmi vuođđuduvvá álo áššehas- dahje dikšungaskavuhtii

Sosiála- ja dearvvašvuođafuolahusa ámmátolbmot atnet ávkin du dieđuid dušše dalle, go dasa lea dárbu. Dieđuid geavahus eaktuda áššehas- dahje dikšungaskavuoda ja bargogohččosiidda vuođđuduvvi geavahanvuoigatvuođa. Dieđuid geahčadeamis báhcá automáhtalaččat merkejupmi vuogádahkii, vai daid geavaheami sáhtta gohcit.

Go attát luobahanlobi, sierra bálvalanaddit sáhttet geavahit du dieđuid

Sosiála- ja dearvvašvuođafuolahusa bálvalanaddit sáhttet geahččat du dieđuid iežaset pasieanta- dahje áššehasregistaris du sierranas lobi haga. Ovdamearkka dihte buresveadjinguovllus vurkejuvvon dieđut leat geavahasas seamma buresveadjinguovllu dearvvašvuođafuolahusas.

Du reseptadieđuid sáhtta geavahit du sierranas lobi haga dalle go du dikšot ja go vieččat dálkasa apteaikkas.

Go attát luobahanlobi, du dieđut leat maddái eará bálvalanaddiid geavahasas doppe, gos goasge divššut áššiid. Dat dárkkuha, ahte du dieđuid sáhtta luobahit ovdamearkka dihte buresveadjinguovlluid gaskka ja almmolaš ja priváhta dearvvašvuođafuolahusa gaskka.

Luobahanlohpi ođasmuvvá

31.12.2023 rádjai luobahanlohpi lea dahkan vejolažžan Kanta-bálvalusaide vurkejuvvon dieđuid luobaheami.

Boahttevuodas luobahanlobiin sáhtta luobahit maddái dakkár dieđuid, mat eai leat Kantas.

Dalle ovdamearkka dihte maddái báhpárii girjejuvvon dieđuidat oážžu luobahit buresveadjinguovllus nubái dahje almmolaš ja priváhta dearvvašvuođafuolahusa gaskka.

Jos leat addán luobahanlobi jagi 2023 áigge dahje árabut, dan gánneha beaivádit MuKantas. Ná du luobahanlohpi dahká vejolažžan boahttevuodas daidge dieđuid luobaheami, mat eai leat Kantas.

Jos attát luobahanlobi vuosttas háve, dat dahká vejolažžan du dieđuid, mat leat Kantas, ja maid eará dieđuid luobaheami.

Jos it beavit iežat luobahanlobi, lohpi bissu fámus ja dahká vejolažžan boahttevuodas maid Kantai vurkejuvvon dieđuidat luobaheami.

Lassedieđuid luobahanlobi ođasmuvvamis gávnnat čujuhusas kanta.fi - Pasieantadieđuid luobahanlohpi (suomagillii)

Sáhtát váikkuhit dieđuidat geavaheapmái, nu ahte ráddjet daid luobaheami

Luobahangildosiin sáhtát mearridit, maid reseapta-, pasieanta- ja áššehasdieduidat ii oaččo luobahit earáide sosiála- ja dearvvašvuodafuolahusa bálvalanaddiide oaidnima várás.

Jos gielddát muhtun pasieanta- ja áššehasdieduidat luobaheami, dat oidnojit dušše dan bálvalanaddái, man registarii dieđut gullet. Dieđut oidnojit gildosis fuolatkeahtá ovdamearkka dihte dan buresveadjinguovllus, mas dieđut leat girjejuvvon.

Sáhtát addit dahje beaivádit luobahanlobi ja dahkat luobahangildosa MuKantas. Sáhtát dikšut lohpe- ja gielddusáššiid maiddá, go divššut áššiid sosiála- ja dearvvašvuodafuolahusas.

Dearvvašvuodadieđuid geavaheapmi Uusimaa guovllus

Uusimaa eanagotti guovllus almmolaš dearvvašvuodafuolahusa bálvalanaddit ožžot geahččat nuppiid bálvalanaddiid registaris du pasieantadieđuid, dan maŋŋá go leat ožžon Kanta-informašuvnna dahjege almmuhusa dieđuidat geavahusa birra.

Sosiála- ja dearvvašvuodafuolahus sáhtá geavahit dán brošyra veahkkin go addá dieđuid dutnje. Molssaeaktun lea, ahte sáhtát ieš lohkat ja merket ahte leat ožžon almmuhusa MuKantas.

Luobahangildosiin sáhtát ráddjet pasieantadieđuidat geavahusa maiddá Uusimaa guovllus.

Lassedieđuid dieđuid geavahasas gávnnat čujuhusas kanta.fi - Luobahanlohpi ja gildosat (suomagillii)

Áššedikšun MuKantas ja apteaikkas

Mii lea MuKanta?

MuKanta lea neahttabálvalus, man bokte beasat oaidnit Kanta-bálvalusaide vurkejuvvon dieđuidat. MuKantas oainnát iežat dearvvašvuođadieđuid ja reseapttaid, sáhtát bivdit reseappta ođasteami ja vurket orgánaid luobahan- ja dikšodáhtu. Sosiálabálvalusaid dieđut bohtet oidnosii MuKantai sierra áigge iešguđet guovlluin Suomas.

MuKantai čálihuvo sisa ovdamearkka dihte bándodovddaldagaiguin čujuhusas kanta.fi.

MuKantas lea vejolaš dikšut áššiid nuppi rávisolbmo beales elektrovnnalaš Suomi.fi-fápmudusain. Maiddái fuolaheaddjit sáhttet dikšut áššiid máná beales MuKantas.

MuKanta birra gávdno lasi diehtu. Sáhtát bivdit brošyra go divššot áššiid sosiálahje dearvvašvuođafuolahusas.

Dálkasa oastin reseapttain

Buot reseapttat mearriduvvojit elektrovnnalaččat ja dieđut vurkejuvvon Kanta-bálvalusaide.

Vuostáiváldimis oaččot mielde prentejuvvon pasieantarávva, mas oainnát dálkasiid namaid ja attusrávvgiid. Oainnát daid dieđuid maiddái MuKantas. Oaččot dálkasiid go čájehat ovdamearkka dihte Kela-koartta dahje pasieantarávva, man leat ožžon vuostáiváldimis.

Jos gii nu eará viežžá du beales dálkasiid apteaikkas, sus ferte leat mielde du Kela-koarta dahje pasieantaráva. Sáhtát maiddái addit dan olbmui, guhte viežžá du dálkasa, elektrovnnalaš apteaikaáššiid fápmudusa Suomi.fi-neahttabálvalusas.

Loga lasi:

kanta.fi (suomagillii)

[kanta.fi - Dieđuid geavaheapmi ja dorvvolašvuhta](#) (suomagillii)

Almmustahtton 2/2024